

**Nailihimayauyuq haffumani Nunamiuttait tuklut taiyauvagaat uumani Wek'èezhì Annguhiqinikkut Katimayiita unipkaaahimayangit, tukiaqatut "Hungmangaat Ihumaliurvikhaanut Ilagiyangit Atauttimut Tukhiutigiyangit Amiqhainikhamut Kingaop ʔekwò (Ahiap tuktungit) Amihuaryuit – ILAINNA B"**

Una Ahiap tuktungit Wek'èezhì Annguhiqinikkut Katimayiita (WRRB) amiqhaivagaat niryutit amiqhainikhanut iluani ahiami tuktungit taiyauvagaat Wek'èezhì amiriqatigiivlugillu amiqhaivaktut aulapkaivakhutik haffumani Kingaop tuktungit amihuaryungit. Uvani Apitilirvik 2015 mi, Avatiliqiyit Pilirivvingit Avatikhaitalu (ENR), Nunatsiaq Kavamaita (GNWT) unipkaarimayangit, tautukhugit hamna Kingaop amihuaryuit ikivallaaruyauhimayut amiqhaigiaqaqhutik upautigiaqaqtangillu kiugiaqaqtangit.

Uvani Ubluirvia 2015 mi, hamna aallat Tḥchq Kavamangit (TG) unalu ENR turaarvigihimayangit haffumani *Atauttimutiyangit Tukhiutikhait uumani Tuklutun Amiqhidjutinut Upautiyakhait haffumani Kingaop Amihuaryungit: 2016-2019* Katimayiuyunut, tukhiutaahimayangit nutaamik kiglilingnit anguniaqtut, niqhiuqtunut amiqhainikhainut nailinahuariangani amaqut amihuuningit ukiumi nunaani haffumani Kingaop tuktungit amihuaryuit nunamiuttanillu amiqhairaariangani. Una WRRB ihumagiyaahimayut hunanigluuniit kigliliuqtauhihmaningit anguniaqtunut uumanilluuniit ilaliutainnaanut anguniaqtukhanut aulapkaihimaningit tamatkiumavlugit aktunaqtumik anguniaqtunut (TAH). Qimilruqtaahimavlugit qauyihaghugillu haffumani tukhiutauhihmaningit, una WRRB malittiaqhimavlutik Ilainnaa 12.3.10 haffumani Aallat Tḥchq Angirutaanit unalu katimapkavlutik tuhaumagiangani Yellowknife, NT uvani Iidjirvia 23-24, 2016.

Una WRRB kinguani, ihivriuqhiivlugillu tamainnut Nunaqaqaahimayumi unalu qauyiharningit naunaitkuhingit, ihumaaluutigilluaqtangit hapummigiaqaqhgillu ihumaaluutingit haffumani Kingaop ʔekwò amihuaryuit amiqhairimiyakhaat upautiyakhaat ihumagiyaulluaqtangit utiffaarnahuarlugillu amihuaryuit. Kihiani, qayangnaqtumik ihumagiyaulluariaqaqhuni tamaat ilittuqhimayait uumani naunaiqtauhihmayut unalu maligiaqaqhgulu maligautait ikaarvikhaat, unalu WRRB ihumagivlugulu upalungairiirugit malrurnik aallat unipkaarutait kiuhimagiangani tukhiutaqtait amiqhidjutikhanut upautiyakhaat iluani atauttimut amiqhidjutikhanut tukhiutaanit. Una hivulliqaanga unipkaarutaat, Ilainnaa A mi, tukhiutigihimayangit anguniarnikkut amiqhidjutikhanut upautinikhait maligiaqaqhgillu maliguarutainit aallannguqtigtauhihmayunit taimaa nutaamik maliguarutiqariangani inikhaliuriangani aullaqtiqhimagiangani uvani 2016-2017 anguniarvikhanut ukiumi aturvikhaat, uuminngalu tukhiutaahimayait ingilravaktut amaqut-anguniaqtum ukiivingit unalu amaqqunut aktuunivikhaanit ihivriurningit.

Hamna Kingaop tuktungit amihuaryuit nakuunngitpiaqtuq, hamna Katimayiit ikpigihukhimayangit kiunnaittuq turaarvigiyaamingni anguniaqtukhanut amiqhidjutinut kihimi ingattaqpallaarniqqat taamna amihuaryuit tuqtpallaarnirumik iluani ikittumi naittumi ukiunganu. Una tugliriyat unipkaarunmi, Ilainnaa B mi, amiqhivluniuk ilagivlugu niqihaghugitunut amiqhidjutikhanut upautiyakhaat, nunamiuttait avatinut amiqhaivikhangit, unalu angiklivallianingillu aktuqtauningit.

Una WRRB kangiqhihimayangit taimailiurniqqat aallat inuit Tḥchq Nunaqatigiit inmikkut nanminirilluarumiuk haffumani Katimayiit ihumaliuqhihmaningit kiuhimayangillu, taimaa

ihumagiyaulluaqtakhaat taamna inuit aallat Tł̥chq maligautait pilimmakhairiaqaqtakhaat inungnut aallat Tł̥chq inuudjutaanit aturaarianganilu pitquhiriyangit inuuttiarnikhanullu katilviunginnaqtangit tuktunullu. Kihiani, hamna WRRB tukhiutigihimayangit katimadjutigilugillu ukunanngat inungnut aallat Tł̥chq nunaliit ihumaliuriangani iniliurnikhat pilimmakhaigiangani haffumani inungnut aallanut Tł̥chq maligait.

Ilagivluniuk, hamna WRRB tukhiutigihimayangit amihut Tł̥chq Qauyimayangit (TK) qauyiharningit amiqhainigillu piliriakhait hivumuurutigiyakhait amaqqunut, akhainut, ihumaaluutigiyangillu aallat aktuqtauhimayait tuktunut qunguhirmilingnit tingmianut kuinginnarningit, ihivriuqtauhimayait nakuudjutikhaat amihuunikhanut tamarmik auyami ukiumilu niqikhait.

Hamna Katimayit kiugiaqaqtangit nunamiunut ihivriuqtakhait akhainut uuminngalu tukhiutigiyangit taapkuat Nunamiuttait – ahiarmi Tuktut Qauyiharnikhait Katimadjutigilugit (BGCTWG) hivunikhanut nunami amiqhainikhanut naunaitkutikhaat pivallialunilu kigiliuqtakhait malikhimalugit amiqhainikhanut upautiyakhaat amiriyaulaaqtut ihivriuqhimalaaqtullu. Tamaat qauyiharningit unalu TK amiqhainikhanut naunaitkutikhaat ikayuutauniaramik uvunga BGCTWG aipaagunnguraangat aturaaqhimayakhainit havaariyuminaqtumik amiqhainikhanut.

Una WRRB tukhiutigihimayangit pilimmakhainirnut haffumani inungnut aallat Tł̥chq Nunanut Aturnikhainnut Aulapkaivikhaat uuminngalu iniqpiaqhimalugit Nunanut Atuqtaunikhainnut Upalungaiyautait amiakkurvikhaat Wek'èezhì. Ilagilugillu, iniqhimalugit haffumani Kingaop Tuktungit Upalungaiyautikhamaat unalu aturaarnaqtumik hivunikhaat uumani Kingaop Tuktungit Amiqhaidjuhikhaat tukhiutauhimayauyut uuktuutauvlunilu pilimakhairiangani iluani hivitunianut ilaliutigiyaami amiqhaiyakhaat aturumayunut amiqhaiyunullu haffumani Kingaop tuktungit amihuaryuit.

Hamna Katimayit kiutquiyangit pivallianikhait uumani hivunikhangit hapummigiangani tuktut nayuqpauhingit, ilaliutigiyangillu imait ikaarvingit unalu *tataa* (milviit uvani imarmi), atuqhimalugit Hapummiviit Ininganit iluani NWT'p *Niryutit Maligaq*, avvautingit unalu ihumagiyaulluaqtangit-ihumaaluutigiyauyuq unalu ikulannirumik amiqhaivikhaat upalungaiyautit. Ilagivluniuk, hamna WRRB kihimayangit huli ihuaqhaiffaariangani haffumani Naunaiqtauhimaningit uumani Nunam Ilitquhia Aallannguqtirningit, ilagiyauhimayangit uumani niryuit unalu Niryuit Nayuqpauhingit Hapummiyakhaat Upalungaiyautikhaat unalu Niryuit Aktuqtaunianut Amiqhaidjuhikhaat Piliriakhaat ihumagiyakhaat amiqhainikhanut aktuqtaunianut pivalliahimayut tuktunut iluani aallait inungnut Wek'èezhì, unalu pivallianingit amiqhainirnut kigliit haffumani hilaup naunaiyainingit.

Uuminngat “*atulihaaqhimayangit akhuurnaqpiaqtumik ikivallianingit ulruvallaaqhimayauyullu*”<sup>1</sup> haffumani Kingaop ʔekwò amihuaryuit, taimaa maligautiqarialik, havaqatigiikhimalugillu turaarvigiqattariaqaqturlu tamainnut atuqhimavagaat amiqhaiyunullu “*pivallialuni qauyimaningit, pivallialuni nakuuqpiaqtumik upalungaiyautait, pivallialuni iniliurnirmik pilimmakhaigiangani upautiyakhaat amiqhaigianganilu*”.<sup>2</sup> Ilagiyangit, qauyiharningit uvani aquhimayunut haffumani ikivalliahimayunit ilagiyangillu ukunanngat ʔekwò, aahiit niryuillu inuillu aulapkailluaqtut kangiqhinirmut Kingaop amihuaryungit. Nalunaiqtauhimayaa John Nishi, TG,

*“... Humiliqaak ayuqhautihimayangit tadjā qauyimanirnut haffumani aulapkailluaqhimayangit amiqhainikkut haffumani ikivalliahimayumik, unalu aallannguqtigtaaqtuq amiqhaiqatigiikhimayugut inikhaat nalaummattiaqhunilu aulapkaigiangani nutaamik ilitturvikhainiq ukunanngat avvautihimagiami pitquhiriyangit qauyiharnirnilu tukihianit, pinahuariangani inuuttiarnikhanut pitquhiriyangillu ilitturvikhangit, upalungaiqhimalunilu haffumani iniliuqhimagiangani aallannguqtauhimayumik, uuminngatut turaaqhimanngettuni ikivallaaqhimayauyut tuktut amihuaryuit, taamn kiuvikhautingit nutqaqtauyukhaq tuktuhiurniq, unalu aktuqtaulluaqhimayait uumani aallait inungnut T̕ch̕o pitquhiat, uqauhiat, inuudjuhingillu”.<sup>3</sup>*

---

<sup>1</sup> PR (BATH) – 153: Transcript – February 23, 2016 (Day 1) – Bathurst Caribou Herd Public Hearing (Nipiliuqhimayuq – Iidjirurvia 23, 2016 (Ublua 1) – Kingaok Tuktungit Amihuaryuit Katimadjutauhimayuq). Makpiraq 109-110.

<sup>2</sup> Ibid.

<sup>3</sup> Ibid.